

DAN GRADA SARAJEVA Svečana sjednica povodom 6. aprila

Uručene šestoaprilske nagrade Strašnom, Konji, Fazlagiću...



Brojni gosti na svečanosti koja je održana u Vijećnici

(Foto: S. Saletović)

Nagradu dobilo i Udruženje "Obrazovanje gradi BiH" s generalom Jovanom Divjakom na čelu • Svečanu sjednicu posebno uljepšali učenici OŠ "Osman Nakaš"

Povodom 6. aprila, Dana grada Sarajeva, sinoć je u Vijećnici održana svečana sjednica Gradskog vijeća, na kojoj su uručene četiri Šestoaprilske nagrade za 2016. godinu. Za doprinos u oblasti zdravstva i socijalne zaštite najviše priznanje Grada dobio je doktor Hadžan Konjo. U svom obraćanju Konjo je kazao da se ponosi činjenicom da su ga za ovo priznanje predložili oni koji su dokazali da najviše vole naše Sarajevo.

Dječija maštanja

- Želim zahvaliti Koordinaciji boračkih udruženja Novog Grada, Ilijaša, Novog Sarajeva i Ilidže, RVI KS i šehidskim porodicama i mojim dragim "zlatnim ljičanima". Oni su me predložili - rekao je Konjo.

Ovo laskavo priznanje za doprinos u oblasti sporta dodijeljeno je Mirsadu Fazlagiću. On je zahvalio Gradu, koji mu je, kako je kazao, omogućio da dječija mašta-

Incku 'Ključ Grada Sarajeva'



Komšić uručio priznanje Incku

Osim ovih nagrada, podijeljena su još četiri priznanja Grada. „Ključ Grada Sarajeva” dobio je Valentin Incko (Inzko), visoki predstavnik u BiH, a priznanje „Zahvalnica Grada Sarajeva” dodijeljeno je

nja pretvori u stvarnost.

Za doprinos u kulturi i umjetnosti Šestoaprilsku nagradu dobio je Milomir Kovačević Strašni, koji je, također, zahvalio svima koji

učiteljicama Saneli Ljumanović i Anisi Šetkić-Sendić. Nagrade „Sarajevska pahuljica” dobili su učenici I-2 razreda OŠ „Osman Nakaš” te Ilma Kazazić, učenica IV razreda Pete gimnazije.

su mu dodijelili priznanje.

Za doprinos u drugim oblastima rada i stvaralaštva Šestoaprilska nagrada je dodijeljena Udruženju "Obrazovanje gradi BiH". Nagradu je

u ime Udruženja preuzeo Jovan Divjak, izvršni direktor.

Svečanu sjednicu posebno su uljepšali učenici OŠ "Osman Nakaš", koji su izrazili zahvalnost na znakovnom jeziku i obećali da će biti dobri ljudi, čime su izmamili gromoglasan aplauz.

Dobri ljudi

Gradonačelnik Ivo Komšić, koji je i uručio priznanja, u svom obraćanju istaknuo je da je Sarajevo izdržalo najdužu opsadu u modernoj historiji čovječanstva, koja je trajala 1.425 dana.

- Obraćam vam se s čela nepokorenog grada. Sarajevo je tokom svoje burne i slavne povijesti preživjelo, nadjačalo, prevladalo sve oblike fašizma, terora, progona, urbicida... - rekao je Komšić.

Sjednicu su zatvorili predstavnici BiH na Eurosongu Dalal, Fuad Backović Deen, Ana Rucner i Jala s pjesmom "Ljubav je".

E. DRAGUNIĆ